

Komentari Supervizora za Brcko, Henry L. Clarke-a prilikom predaje racunara srednjim skolama u Brckom

Zadovoljstvo mi je što se nalazim u posjeti gimnaziji u Brckom, a posebno što sam ovim povodom sa svima Vama. Nalazimo se usred velikih javnih rasprava koje se vode u Brckom povodom obrazovanja – rasprava o našem novom zakonu, harmonizovanom planu i programu koji je mjesecima tema u vijestima. Obuka nastavnog osoblja o planu i programu će se nastaviti do kraja ovog mjeseca. Početak školske godine će svakako otvoriti dodatne diskusije.

Ali danas želim da pažnju usmjerim na jedan drugi aspekt obrazovanja: modernizaciju školstva. Način na koji su škole organizovane je svakako važan, ali je podjednako važno i gradivo koje se predaje u školama. U svijetu se dešava revolucija u informativnoj tehnologiji i Brcko ne smije ostati po strani. Želimo da kreiramo savremena, konkurentna radna mjesta u Brckom. Da bismo to postigli moramo imati maturante srednjih škola koji su osposobljeni za ta radna mjesta. Nova ulaganja u Brcko, ili bilo gdje drugdje, zavisiće od kompjutera u njihovim kancelarijama, radionicama i u svakom aspektu njihovog djelovanja. Svaki maturant u Brckom treba da zna ne samo dva pisma već mora poznavati i rad na računaru.

Kao jedan korak u ostvarivanju tog cilja, OHR-sjever je iskoristio sredstva Fonda brzog ušinka SAD-a za kupovinu 40 kompjutera. 10 kompjutera je namijenjeno za zgrade u kojima će se odvijati srednjoškolska nastava: Gimnaziju, Ekonomsku,

Tehniku školu kao i Srednju školu u Ravne Brčko. Ova donacija uključuje jednogodišnji besplatan pristup Internetu. Pored toga, svih ovih 40 kompjutera biće međusobno povezani tako da će učenici i profesori moći brzo da komuniciraju jedni sa drugima.

Drugi korak, koji će se ostvariti kasnije ovog mjeseca, je donacija u vidu 15 setova naučnih, tehničkih i matematičkih nastavnih pomagala, uključujući i projektore.

Ova pomagala će biti dostupna školama putem Nastavnog centra u Brčkom. I dalje ćemo nastaviti sa zalaganjima na obezbjeđivanju daljih donacija za školsku opremu.

Moja kancelarija je takođe upošljavala izvođače radova za opravke na školskim objektima. Izvršene su opravke mokrih tlova u 10 osnovnih škola i 3 srednje škole, uključujući i ovu. U potpunosti ćemo renovirati sportsku dvoranu Partizan, koju srednje škole intenzivno koriste – očekujemo da će radovi na sportskoj dvorani biti završeni pod kraj ovog ljeta.

Kao što znate, Brčko će neke od svojih najboljih taca poslati na par mjeseci u škole koje se nalaze u Sjedinjenim Američkim Državama, u državi Arizona. Oni ovdje sada rade na usavršavanju engleskog jezika, i meni je drago što ću se upoznati sa njima kroz nekoliko minuta.

Sačuvao sam najznačajnije novosti za kraj. Uskoro ćemo otpočeti sa odabirom izvođača radova za dva nova školska objekta, koji će se nalaziti u renoviranim zgradama prijašnje kasarne Vojske Republike Srpske. Jedna od njih će biti velika zgrada sa 15 novih učionica. Drugi, manji objekt, će biti novi dom za muziku školu u Brčkom. Vrijednost opravke ova dva objekta, uključujući i opremu, iznositi će oko jedan milion dolara, koji su donirani od strane Sjedinjenih Američkih

Država.

Muzička škola je već neko vrijeme multietničkog karaktera, ali moram istaći da projekat za učionice ne bi bilo moguće realizovati bez odluke da se krene naprijed sa integracijom škola u Brčko Distriktu. Nadam se da će učionice biti spremne za drugo polugodište predstojeće školske godine.

Neki ljudi me pitaju zašto posvećujem toliku pažnju obrazovanju, kada je privreda tako loša. U dvadeset i prvom stoljeću, obrazovanje je temelj snažne privrede. Naši mladi ljudi će nastojati da omoguće svjetliju budućnost za Brčko Distrikt, i mi moramo učiniti sve što je u našoj moći da ih za to pripremimo.